

書空集

柬埔寨詐騙

事業惟從鬢上加，飄蓬身世向天涯。航船去路離家遠，落日前途怕霧遮。不啻山林多虎豹，忽驚臺東有人蛇。鄉親本是同根柢，可奈燃萁換寶車。

臺南殺警案

平生存素志，勤事未辭勞。義士墳前死，強人網下逃。至今嚴警械，何以禁凶刀？寄語臨民者，微身似羽毛！

過府北公園昔為城中城舊址

府北公園景色清，前身曾作鐵圍城。安知妒火生焦火，每向風聲雜哭聲。自此招魂聽巷泣，憑誰立法促都更？由來老弱難全命，往事淒淒不忍情。

鮭魚之亂

和風無限向蓬萊，暮春三月魚蝦肥。東瀛食肆且趁時，同名無料活動殊。饜子揮刀飛薄膾，花蛤糟蟹供有餘。焉知老饕生涯為口忙，不惜聲望只畏饑。肯為珍饈易姓氏，子公東坡嘆不如。更名者，三百逾。戶政事務多如麻，如此風潮古今無。噫！倘使活動無絕期，島民一半作鮭魚！

客中

寒窗將艾夜，點檢數年非。不免微身嘆，長隨粉絮飛。流光從髮變，世事與心違。卻怪芙蓉鳥，春來衣錦歸。

羨鬼

陰雲遮月暗無光，長風凜冽更戚戚。有鬼新死恨早夭，但哭蒼天何慘虐。鬼耶汝何悲？神遷誠為樂。棲身尚有大眾廟，鳳盤金柱九龍壁。父老虔心祭精靈，香煙酒肉得飽食。年年攝化孟蘭會，桌前犧牲長百尺。不若塵寰常苦辛，寒門下品止卑職。奈何折腰且趨走，命與薪資俱單薄。何事衣食俱通膨，細腰不為楚王癖。孰解寸土勝金價，一生辛苦只賃宅。冬日愁風夏愁雨，屋內屋外俱淅瀝。噫吁嚱！世道艱虞寧為鬼，莫作人間牛衣客！

聞安倍晉三遇刺有感

鉅震扶桑國，初聞感泣多。持身誠秀異，臨事主清和。保日方親美，撐臺復制俄。斯人非呂政，何故覓荊軻？

悲蔡天鳳

香城臨海少梧桐，鄺家竟曾棲鳳凰。紅線雖斷猶念舊，豈知事養中山狼。紈扇恩情一朝棄，肯為金銀逞蠻強。鳳也鳳也今折翼，翠羽玉骨付肉湯。新夫重恩義，故夫反不良。白髮送黑髮，哀哀斷肝腸。兒女未解事，逢人索親娘。嗚呼！天地何不仁，使此靈鳳早橫亡！來生當作單身女，莫嫁人間薄倖郎！

鐵鍊女

昨夜夢魂中，有女淚如雨。前揖問來歷，「現居蘇州府。」「何事向天泣？」婦啼一何苦：「妾本良家子，安居樂吾土。不意出家門，忽遭強人虜。強人掄棍棒，弱體誠難禦。驅我入市肆，喪心是商賈！人販毒如蛇，買客狠過虎。合資買我身，從此遠父母。大山少女子，買妻無今古。大山缺金銀，一女供數戶。意欲延瓜瓞。闔村將我侮。肌膚俱不完，瑟緒在囹圄。衣裙常敗壞，相伴唯蟻鼠。角落食殘羹，殘羹皆臭腐。鐐鎖縛我頸，長鍊束我股。微命如魚肉，山民如刀俎。州官務粉飾，監視不得語。此身嬰何罪？拐賣失所怙。此生不可思，一思痛肝腑。蒼天如有知，使我速為鬼！」聞言何淒愴，方寸千萬緒。長吁復長嘆，哀哉鐵鍊女！

2022 見二十大會議有感

七十老翁從所欲，暗將球界損金釵。堪哀網裡多河蟹，卻恨朝中有野豺。省內權威如久在，人間公義可俱埋。應知此日層霄上，會議仍居第一排。

即事

頗奈人間疫癘狂，長將微命問陰陽。相聞走巷惟雞犬，不道封城少米糧。倍萬饑寒看白紙，清零時節起方艙。曾經滬上昇歌處，一半蕭疏一半荒。

頭巾革命

偶露青絲翻作禍，伊人香魄已難招。強權領袖嚴裝束，暴令頭巾起動搖。革命為開民主路，殉身期現自由潮。書成碧血靈烏賦，敢把長鳴震九霄。

哀童婚

寒風催花葉，鴉啼日欲曛。有婦向天泣，酸淚更沾巾：「妾年才二十，成婚逾十春。娘家只四壁，米甕久積塵。老父過半百，病骨已嶙峋。母歲時廿一，生涯常苦辛。幼妹尚弱稚，不足論婚姻。為免饑寒迫，賣我換金銀。夜半談聘禮，晨起嫁東鄰。丈夫橫且壯，年歲近四旬。是夜丈夫來，欲為肌膚親。當時不解事，驚惶未肯馴。拳腳即相向，強剝衣與裙。新房如囚房，哀泣不可聞。弱體無完膚，此後苦沈淪。強暴日復日，棍棒招呼頻。未足荳蔻年，奈何已有身。十載辛苦日，兒女已成羣。夫老兒女幼，家中漸轉貧。長女今九歲，媒婆往來勤。丈夫鐵石心，賣女與豪紳。童婚一何苦，豈願重因循？只恨

力不逮，可憐掌中珍。淒慘此身世，性別是主因。寧墮阿鼻鬼，不願作女人！」語罷復嗚咽，哀聲幾破雲。蒼天終不語，悲情欲誰陳？

難民悲

蕭蕭風萬里，天地何遼闊。黯雲慘無光，盤旋冤氣結。曾經昇歌地，而今成鬼窟。哀哉新戰場，遍地殘肉屑。有女深夜來，一步一委咽。身世多漂淪，思此淚沾帨。東北起貪狼，時危多戰伐。賊心鐵石作，烽火焚更烈。槍礮驚天響，凌厲無虛發。極目是斷壁，山河俱破裂。鄉人存忠義，護國此心切。丈夫從軍去，誓蕩外寇滅。爺娘老且弱，彈下已死別。弟妹作餓莩，稚子亦夭折。今聞夫婿死，淒涼臥土塚。側身向戰場，艱難乞骸骨。親族槍下隔，我命誠菴子。生平惟識分，知足渡時節。如今竟何罪，天倫從此絕！試問臨民者，干戈何日歇？自古興亡事，斑斑生民血！

討邪教

月明洞中宣教會，應傳福音崇善化。口頌聖經能攝理，胸前長掛十字架。常時宣揚末日，聚眾自稱彌賽亞。受膏者，牧天下。何事摘禁果，點選羊羔作花嫁！環肥燕瘦看不足，橫陳翻覆夜復夜。可憐梢頭荳蔻花，零落偏受緇塵沓。當從獬豸追公理，豈容鄭氏誇豪霸？願借亞瑟斷鋼劍，一斬邪教從此罷！